

历朝诗约选

历朝诗约选

五言古詩五

宋

歷朝詩約選五

謝靈運二十二首

○ ○ 齋中讀書

昔○余○遊○京○華○未○嘗○廢○丘○壑○矧○乃○歸○山○川○心○跡○雙○寂○寞○虛○館○
絕○諍○訟○空○庭○來○鳥○雀○臥○疾○豐○暇○豫○翰○墨○時○閒○作○懷○抱○觀○古○
今○寢○食○展○戲○謔○既○笑○沮○溺○苦○又○哂○子○雲○閣○執○戟○亦○以○疲○耕○
稼○豈○云○樂○萬○事○難○並○歡○達○生○幸○可○託○

○ ○ 石壁精舍還湖中作

昏○旦○變○氣○候○山○水○含○清○暉○清○暉○能○娛○人○游○子○憺○忘○歸○出○谷○
日○尚○早○入○舟○陽○已○微○林○壑○斂○暝○色○雲○霞○收○夕○霏○芰○荷○迭○映○

蔚蒲稗相因。依披拂趨南逕。愉悅偃東扉。慮澹物自輕。意
愜理無違。寄言攝生客。誠用此道推。

登永嘉綠嶂山詩

裹糧杖輕策。懷遲上幽室。行源逕轉遠。距陸情未畢。澹
結寒姿。團欒潤霜質。澗委水屢迷。林迴巖逾密。眷西謂初
月。顧東疑落日。踐夕奄昏曙。蔽翳皆周悉。蠱上貴不事。履
二美貞吉。幽人常坦步。高尚邈難匹。頤阿竟何端。寂寂寄
抱一。恬如旣已交。繕性自此出。後四句不甚解

登石門最高頂

晨策尋絕壁。夕息在山棲。疏峰抗高館。對嶺臨迴溪。長林

羅戶穴積石擁階基連巖覺路塞密竹使徑迷來人忘新
術去子惑故蹊活活夕流駛噉噉夜猿啼沈冥豈別理守
道自不攜心契九秋榦目翫三春萸居常以待終處順故
安排惜無同懷客共登青雲梯

。石門新營所住四面高山迴溪石瀨茂林脩竹

躋險築幽居披雲臥石門苔滑誰能步葛弱豈可捫嫋嫋
秋風過萋萋春草繁美人遊不還佳期何由敦芳塵凝瑤
席清醕滿金尊洞庭空波瀾桂枝徒攀翻結念屬霄漢孤
景莫與諼俯濯石下潭仰看條上猿早聞夕飈急晚見朝
日暎崖傾光難畱林深響易奔感往慮有復理來情無存

庶持乘日車。得以慰營魂。匪爲眾人說。冀與智者論。

從斤竹澗越嶺溪行

猿鳴誠知曙。谷幽光未顯。巖下雲方合。花上露猶泫。逶迤傍隈隩。迢遞陟陁峴。過澗旣厲急。登棧亦陵綿。川渚屢逕復。乘流翫迴轉。蘋萍泛沈深。菰蒲冒清淺。企石挹飛泉。攀林摘葉卷。想見山阿人。薜蘿若在眼。握蘭勤徒結。折麻心莫展。情用賞爲美。事昧竟誰辨。觀此遺物慮。一悟得所遣。

入華子岡是麻源第三谷

南州實炎德。桂樹陵寒山。銅陵映碧澗。石磴瀉紅泉。旣枉隱淪客。亦棲肥遁賢。險徑無測度。天路非術阡。遂登羣峰

首邈若升雲煙羽人絕髣髴丹丘徒空筌圖牒復磨滅碑
版誰聞傳莫辨百代後安知千載前且申獨往意乘月弄
潺湲恆充俄頃用豈爲古今然

入彭蠡湖口

客○遊○倦○水○宿○風○潮○難○具○論○洲○島○驟○迴○合○圻○岸○屢○崩○奔○乘○月○
聽○哀○猿○浥○露○馥○芳○蓀○春○晚○綠○野○秀○巖○高○白○雲○屯○千○念○集○日○
夜○萬○感○盈○朝○昏○攀○崖○照○石○鏡○牽○葉○入○松○門○三○江○事○多○往○九○
派○理○空○存○靈○物○舛○珍○怪○異○人○祕○精○魂○金○膏○滅○明○光○水○碧○輟○
流○溫○徒○作○千○里○曲○絃○絕○念○彌○敦○

初往新安桐廬口

絺綌雖淒其授衣尙未至感節良已深懷古徒役思不有
千里棹孰申百代意遠協尙子心遙得許生計旣及冷風
善又卽秋水駛江山共開曠雲日相照媚景夕羣物清對
玩咸可憲

○ ○ 七里瀨

羈心積秋晨晨積展游眺孤客傷逝湍徒旅苦奔峭石淺
水潺湲日落山照曜荒林紛沃若哀禽相叫嘯遭物悼遷
斥存期得要妙旣秉上皇心豈屑末代諠目覩嚴子瀨想
屬任公釣誰謂古今殊異代可同調

○ ○ 登江中孤嶼

江南倦歷覽江北曠周旋懷新道轉迴尋異景不延亂流
趨正絕孤嶼媚中川雲日相輝映空水共澄鮮表靈物莫
賞蘊真誰爲傳想象崑山姿緬邈區中緣始信安期術得
盡養生年

○夜宿石門詩

朝·搴·苑·中·蘭·畏·彼·霜·下·歇·暝·還·雲·際·宿·弄·此·石·上·月·鳥·鳴·
識·夜·棲·木·落·知·風·發·異·音·同·至·聽·殊·響·俱·清·越·妙·物·莫·爲·
賞·芳·醕·誰·與·伐·美·人·竟·不·來·陽·阿·徒·晞·髮·

發伐字疑互誤
首四句開扇對

之格而上二字一與三對二與四對下三字一
與四對二與三對詩至康樂人巧盡天工出矣

○於南山往北山經湖中瞻眺

朝旦發陽崖。景落憩陰峰。舍舟眺迴渚。停策倚茂松。側逕
既窈窕。環洲亦玲瓏。俯視喬木杪。仰聆大壑淙。石橫水分
流。林密蹊絕蹤。解作竟何感。升長皆丰容。初篁苞綠籜。新
蒲含紫茸。海鷗戲春岸。天雞弄和風。撫化心無厭。覽物眷
彌重。不惜去人遠。但恨莫與同。孤游非情歎。賞廢理誰通。

登池上樓

潛虬媚幽姿。飛鴻響遠音。薄霄愧雲浮。棲川怍淵沈。進德
智所拙。退耕力不任。徇祿反窮海。臥病對空林。衾枕昧節
候。褰開暫窺臨。傾耳聆波瀾。舉目眺嶇嶔。初景革緒風。新
陽改故陰。池塘生春草。園柳變鳴禽。祁祁傷幽歌。萋萋感

楚吟索居易永久離羣難處心持操豈獨古無悶徵在今

。遊南亭

時竟夕澄霽雲歸日西馳密林含餘清遠峰隱半規久痾
昏墊苦旅館眺郊岐澤蘭漸被徑芙蓉始發池未厭青春
好已覩朱明移戚戚感物歎星星白髮垂藥餌情所止衰
疾忽在斯逝將俟秋水息景偃舊崖我志誰與亮賞心惟
良知

。遊赤石進帆海

首夏猶清和芳草亦未歇水宿淹晨暮陰霞屢興沒周覽
倦瀛壖況乃淩窮髮川后時安流天吳靜不發揚帆採石

華挂席拾海月。冥漲無端倪。虛舟有超越。仲連輕齊組。子牟眷魏闕。矜名道不足。適已物可忽。請附任公言。終然謝天伐。

○道路憶山中

采菱調易急。江南歌不緩。楚人心昔絕。越客腸今斷。斷絕雖殊念。俱爲歸慮款。存鄉爾思積。憶山我憤懣。追尋棲息時。偃臥任縱誕。得性非外求。自己爲誰纂。不怨秋夕長。恆苦夏日短。濯流激浮湍。息陰倚密竿。懷故叵新歡。含悲忘春暖。悽悽明月吹。惻惻廣陵散。殷勤訴危柱。慷慨命急管。

○過始寧墅

束髮懷耿介。逐物遂推遷。違志似如昨。二紀及茲年。緇磷謝清曠。疲薾慙貞堅。拙疾相倚薄。還得靜者便。剖竹守滄海。枉帆過舊山。山行窮登頓。水涉盡迴沿。巖峭嶺稠疊。洲縈渚連綿。白雲抱幽石。綠篠媚清漣。葺宇臨迴江。築觀基層巔。揮手告鄉曲。三載期歸旋。且爲樹枌欂。無令孤願言。

過白岸亭詩

拂衣遵沙垣。緩步入蓬屋。近澗涓密石。遠山映疎木。空翠難強名。漁釣易爲曲。援蘿聆青崖。春心自相屬。交交止栩黃。呦呦食萍鹿。傷彼人百哀。嘉爾承筐樂。榮悴迭去來。窮通成休憾。未若長疎散。萬事恆抱朴。

黃字爲句開歇後語法以鹿對黃又開音

近假對
之法

。鄰里相送至方山

祗役出皇邑。相期憩甌越。解纜及流潮。懷舊不能發。析析就衰林。皎皎明秋月。含情易爲盈。遇物難可歇。積疴謝生慮。寡慾罕所闕。資此永幽棲。豈伊年歲別。各勉日新志。音塵慰寂蔑。

。九日從宋公戲馬臺集送孔令

季秋邊朔苦。旅雁違霜雪。淒淒陽卉腓。皎皎寒潭潔。良辰感聖心。雲旗興暮節。鳴笳戾朱宮。蘭卮獻時哲。餞晏光有孚。和樂隆所缺。在宥天下理。吹萬羣方悅。歸客遂海隅。脫

冠謝朝列弭棹薄枉渚指景待樂闕河流有急瀾浮驂無
緩轍豈伊川途念宿心愧將別彼美丘園道喟焉傷薄劣

述祖德詩

并序

大元中王父龕定淮南負荷世業尊主隆人逮賢
相徂謝君子道消拂衣蕃岳考卜東山事同樂生

之時志期范蠡之舉

達人貴自我高情屬天雲兼抱濟物性而不纓垢氛段生
蕃魏國展季救魯人弦高犒晉師仲連卻秦軍臨組乍不
縹對珪璫肯分惠物辭所賞勵志故絕人苕苕歷千載遙
遙播清塵清塵竟誰嗣明哲垂經綸委講輟道論改服康

世屯屯難旣云康尊主隆斯民

中原昔喪亂喪亂豈解已崩騰永嘉末逼迫太元始河外

無反正江介有蹙圯萬邦咸震懾橫流賴君子拯溺由道

情龕暴資神理秦趙欣來蘇燕魏遲文軌賢相謝世運遠

圖因事止高揖七州外拂衣五湖裏隨山疏濬潭傍巖藝

枌梓遺情捨塵物貞觀丘壑美

此二章止是一首如陳思贈白馬王彪之體

謝瞻三首

。九日從宋公戲馬臺集送孔令詩

風至授寒服霜降休百工繁林收陽彩密苑解華叢巢幕
無畱燕遵渚有來鴻輕霞冠秋日迅商薄清穹聖心眷嘉

節揚鑾戾行宮。四筵霑芳醴。中堂起絲桐。扶光迫西汜。歡
餘宴有窮。逝矣將歸客。養素克有終。臨流怨莫從。歡心歎
飛蓬。

。王撫軍庾西陽集別時爲豫章太守庾被徵還東

祇召旋北京。守官反南服。方舟析舊知。對筵曠明牧。舉觴
矜飲餞。指途念出宿。來晨無定端。別晷有成速。頽陽照通
津。夕陰曖平陸。榜人理行艫。輜軒命歸僕。分手東城闔。發
棹西江澳。離會雖相雜。逝川豈往復。誰謂情可書。盡言非
尺牘。

。答靈運